

難

經

正

義

難經正義卷之五

春秋齊勃海通鑑卷之五人者

明會稽庠生袁臺馬時註證

華亭庠生晴暘張重華參閱

雲間醫官後泉楊 健批評

門人儒醫春塘張 通校正

三十七難曰。五藏之氣。於何發起。通於何許。可曉以不然。
五藏者。當上關於九竅也。故肺氣通於鼻。鼻和則知香臭
矣。肝氣通於目。目和則知黑白矣。脾氣通於口。口和則知
穀味矣。心氣通於舌。舌和則知五味矣。腎氣通於耳。耳和

則知五音矣。三焦之氣通

和則聲鳴矣。張世賢云末二句乃

素古所加。

此一篇言五藏通於九竅。必其藏氣之和者。而竅斯通也。夫五藏者。心肝脾肺腎也。是五藏之氣。從何所以發起。而在外必通於何許。果可曉知以否耶。然五藏者。當上關於九竅也。素問陰陽應象大論黃帝曰。九竅為水注之氣。故肺者藏之在內者也。而在外之鼻。則為之竅焉。其氣乃通於鼻也。必肺和則鼻和。鼻和則知香臭矣。素問陰陽應象大論黃帝曰。肺主鼻。又曰。在竅為鼻。素問金匱真言論岐伯曰。西方白色入通于肺。開竅于鼻。藏精於肺。肝者藏之在內者也。而在外之目。則為之竅焉。其氣乃通於目也。必肝和

則目和。目和則能知黑白矣。

素問陰陽應象大論黃帝曰。肝主目。又曰。在竅為目。

素問金匱真言論岐伯曰。東方青。色入通于肝。開竅于目。藏精于肝。脾者藏之在內者也。

而在外之口。則為之竅焉。其氣乃通於口也。必脾和則

口和。口和則知穀味矣。

素問陰陽應象大論黃帝曰。脾主舌。又曰。在竅為口。素問金匱

真言論岐伯曰。中央黃。色入通於脾。開竅於口。藏精於脾。故病在舌本。心者藏之在內者

也。而在外之舌。則為之竅焉。其氣乃通於舌也。必心和

則舌和。舌和則知五味矣。

素問陰陽應象大論黃帝曰。心主舌。又曰。在竅為舌。素問

金匱真言論岐伯曰。南方赤。色入通於心。開竅於耳。藏

情於心。則知耳之一竅。不特為腎之竅。而又為心之竅也。陰陽應象大論又曰。形不足者。溫之以氣。精不足者。補之以味。腎者藏之在內者也。

而在外之耳。則為之竅焉。其氣乃通於耳。必腎和則耳

和耳和則知五竅矣

耳又曰在竅為耳

應象大論黃帝曰腎主

論岐伯曰北方黑色入通於腎開竅於二陰藏精於腎則知腎之為藏不特開竅於耳而又開竅於二陰也

夫越人之言固以五藏通於九竅矣而數其所言者不

過有八竅耳張潔古從而補之曰三焦之氣通於喉喉

和則聲鳴矣蓋言三焦者上中下三焦也而在上之喉

則為之竅焉其氣乃通於喉也必三焦之和而後喉斯

和喉和而聲自能鳴矣信乎在上之竅唯喉可以足之

而後越人之言無餘蘊也

按靈樞本無三焦而

紫古云然未考故耳

靈樞

本節之辭出自靈樞疎度篇

岐伯曰五藏常內關於上七竅也

閱歷也言五藏由內而閱歷於在上之七竅也故肺氣通於鼻肺和則鼻能知

按即康成
云陽竅七
陰竅二

香臭矣。心氣通於舌。心和則舌能知五味矣。肝氣通於目。肝和則目能辨五色矣。脾氣通於口。脾和則口能知五穀矣。腎氣通於耳。腎和則耳能聞五音矣。按靈樞言常內聞於

上七竅則知人有九竅。陽竅七居上。陰竅二居前。陰後陰也。居下。故曰常內聞於上七竅也。難經言上聞九竅不若靈樞常聞於七竅之為是。其曰肺氣通於鼻。肺和則鼻能知香臭矣。難經則曰鼻和則知香臭矣。殊不知鼻之和者。由肺之和者所致也。難經之言。不若靈樞之尤切。至於肝心腎者。亦即此可推矣。但靈樞既曰七竅。而即其所言者以數之。則又是八竅。意者口知穀味。舌知五味。其用相須。而口舌共可作一竅。不拘於心脾之分也。學者當以斯言為的。難經言上通九竅。則二陰竅不在其中矣。而即其所言以數之。亦止有八竅。惑謂靈樞之言七竅者為是。而在上者必無九竅。無乃越人之記憶而失其真耶。今據越人之言。則缺一竅矣。所以索古之言補之。但索古之言亦甚有理。故學者從之。亦有可者。至於諸家以在上七竅

以陰竅而足之
於上。無理甚矣。

靈樞

以五使竅。鼻者肺之官也。目

者肝之官也。口唇者脾之官也。舌者心之官也。耳者腎

之官也。

按本篇問五藏之氣於何發起。通於何許。答文止言五藏之所通。而未言其所發起。以思思之。

當如二十三難流注之說。乃為五藏之發起也。蓋五藏流注之時。凡在外諸竅。皆其所經歷之處。自有所發起。所終止。及有所以通也。或曰。鼻之為竅。由肺所通。而實由肺以發起也。此說亦通。餘藏倣此。

五藏不和。則九竅不通。六府不和。則留結為癰。邪在六府。則陽脉不和。陽脉不和。則氣留之。則陽脉盛矣。邪在五藏。則陰脉不和。陰脉不和。則血留之。血留之。則陰脉盛矣。陰氣太盛。則陽氣不得相營也。故曰格。陽氣太盛。則陰氣不得相營也。故曰關。陰陽俱盛。不得相營也。故曰關。

格。關格。不得盡其命而死矣。

張晴暘云。為瘵瘵字。靈樞同。張世賢誤作聚。格。靈樞作關。

關。靈樞作格。此誤。見後考證。脉度篇榮的作營。

此一節言藏府不和者之為病。必究其病之源。而決其漸至於死也。上文言五藏之和者。固九竅之所以通也。

苟或肺氣不和。則鼻不知香臭矣。

素問五藏別論岐伯曰。五氣入鼻。藏於心。

肺。心。肺有病。而鼻為之不利也。

肝氣不和。則目不知黑白矣。

素問脉要精微論岐伯曰。夫精明者。所以視萬物。別白黑。審長短。以長為短。

以白為黑。如是。則精衰矣。素問四氣調神論曰。天明則

日月不明。邪害空竅。陽氣者。閉塞。地氣者。冒明。

脾氣不和。則口不知穀味矣。心

氣不和。則舌不知五味矣。腎氣不和。則耳不知五音矣。

三焦不和。則喉不鳴聲矣。蓋以五藏在內。內不和。則九

竅之在外者。所以不能通也。又使手足之爲六陽者。其六府也。六府不和。則六府主外。外不和。所以留結爲癰也。且是六府之所以不和者。正以邪在六府也。惟邪在六府。則陽脉不和。陽脉不和。則氣之爲衛者。自將留滯不通。而陽脉偏盛矣。陽氣太盛。則內而陰氣不能外出。以運於陽分焉。是乃陽有以格之也。故名曰格。照靈五藏之所以不和者。正以邪在五藏也。惟邪在五藏。則陰脉不和。陰脉不和。則血生於營者。自將留滯不通。而陰脉偏盛矣。陰氣太盛。則外而陽氣不得內入。以運於陰分焉。是乃陰有以關之也。故名曰關。照靈營之爲言運

也。斯則陽盛於外，而不得以運於內；陰盛於內，而不得以運於外。故曰：關格，關格者，氣血偏勝，營衛不交，表裏不和，內外相隔，不得盡其命而死矣。揆厥所自，其病始於邪之爲害耳。君子可不慎哉。

正考證

本節之辭出自靈樞脈度

篇但越人以陰氣太盛爲格，陽氣太盛爲關，則與靈樞不同。今註中已改正之。岐伯曰：五藏不和，則七竅不通；六府不和，則留爲癰。故邪在府，則陽脈不和；陽脈不和，則氣留之；氣留之，則陽氣盛矣。陽氣太盛，則陰脈不利；陰脈不利，則血留之；血留之，則陰氣盛矣。陰氣太盛，則陽氣不能營也。故曰：關，陽氣太盛，則陰氣弗能營也。故曰：格，陰陽俱盛，不得相營。故曰：關格，關

格者不得盡期而死也

按素問六節藏象論云格者始

陰盛為關今越人以陰氣太盛為格陽氣太盛為關則由素問靈樞大異矣此乃越人訛傳失真詳見三難考證之下

附考證

五藏不平六府閉塞諸證皆生

素問通評虛實論黃帝

曰黃疸暴痛癰疾厥狂久逆之所生也五藏不平六府閉塞之所生也頭痛耳鳴九竅不利腸胃之所生也

素問太陰陽明論歧伯曰陽者天氣也主外陰者地氣也主內故陽道實陰道虛故犯賊風虛邪者陽受之食飲不節起居不時者陰受之陽受之則入六府陰受之則入五藏入六府則身熱不時卧上為喘呼入五藏則臍滿閉塞下為飧泄久為腸澼故喉主天氣咽主地氣

故陽受風氣。陰受濕氣。故陰氣從足上行至頭。而下行
循臂至指端。陽氣從手上行至頭。而下行至足。故曰陽
病者。上行極而下。陰病者。下行極而上。故傷於風者。上
先受之。傷於濕者。下先受之。

附論

陽氣不順。則內
閉。九竅外壅。肌

肉及陰陽偏勝。有
為狂。為閉等證。素問生氣通天論。岐伯曰。蒼天之氣
清淨。則志意治。順之。則陽氣固。雖有賊邪。弗能害也。此
因時之序。故聖人傳精神。服天氣。而通神明。失之。則內
閉。九竅外壅。肌肉。衛氣散解。又云。陰者。藏精而起亟也。
陽者。衛外而為固也。陰不勝其陰。則脉流薄疾。并乃狂。
陽不勝其陰。則五藏氣爭。九竅不通。

經言氣獨行於五藏不營於六府者何也然夫氣之行也如水之流不得息也故陰脉營於五藏陽脉營於六府如環無端莫知其紀終而復始而不覆溢人氣內溫於藏而外濡於腠理

張晴陽云上言夫氣末言人氣則大當作人

此一節承上文而言陰脉行於五藏陽脉行於六府陰陽交運而未嘗止息也滑伯仁謂此節因上文營字之意而推及之者是也經言氣獨行於五藏不營於六府見靈樞脉度篇乃黃帝問詞非歧伯答語也上文旣言陰脉營於陽陽脉營於陰則陰陽之氣迭相爲營者也經言氣獨行於五藏者不行於六府似乎陰脉之不得

營於陽矣。則陽脉之不得營於陰者。可推也。斯言殆與
上文而不相合焉。然而氣獨行於五藏。不行於六府者。
非不營於六府也。正以人氣之行。如水之流。不得息也。
故在陰脉則行於五藏。而自陰而陽。如環無端。莫知其
爲紀極也。未嘗有因陽脉不足。而陰得以乘之。以至於
自內溢外。而謂之溢者焉。乃陰脉之當出於陽分者耳。陽脉營於六
府。而自陽而陰。如環無端。莫知其爲紀極也。未嘗有因
陰脉不足。而陽得以乘之。以至於自外之內。而謂之覆
者焉。乃陽脉之當入於陰分者耳。斯則人氣之行。內溫於五藏。五藏
無有於不和。何至有九竅不通。而格而至死者哉。外濡

於腠理六府無有於不和何至有留結為癰而關而至死者哉若此者凡以其無和使然也學者之知所慎也

宜哉

正考證

本節之論出自靈樞脈度篇

黃帝曰氣獨行於五藏

不營六府何也岐伯答曰氣之不得無行也如水之流

如日月之行不休故陰脉營其藏陽脉營其府如環之

無端莫知其紀終而復始其流溢之氣內溉藏府外濡

腠理

按內行於藏而無曰藏外行於腠理而無曰腠理蓋藏府可以通稱也外行於腠理而不曰府蓋腠理乃所以為府也讀者

不以府之一字而致疑焉斯可矣

三十八難曰藏惟有五府獨有六者何也然所以府有六

者謂三焦也有原氣之別焉主持諸氣有名而無形其經

屬手少陽。此外府也。故言府有六焉。

此一篇言三焦之爲外府。所以得名爲六府也。夫人之爲藏。其名有五。則爲之府者。止於五焉。足矣。而府獨有六者。何也。然所以府有六者。謂有三焦之一府也。蓋人有腎間動氣。卽原氣也。三焦合於右腎。爲原氣之別使焉。別之爲義。對正而言。腎爲原氣之正。三焦爲原氣之別。以見其均爲重也。自其分而言。主持吾身之諸氣。自其體而言。則有名而無形。自其經而言。則屬手之少陽。而爲心包絡之府。惟其外有經。而內無形。此所以不爲內府。而爲外府也。以此三焦之在外者。而加之五府之

在內者。故言府有六焉。

王考證

滑伯仁曰三焦諸持

以原氣賴其導引潛行默運于一身之中。無或間斷也。外府指其經為手少陽而言。蓋三焦外有經而內無形。故云按素問陰陽類論黃帝謂雷公曰一陰為獨使王水註云一陰之藏外合三焦三焦主導諸氣名為使者故云獨使也。大經之所謂一陰者言手厥陰心包絡也。正與三焦為表裏而三焦為心包絡之府今王水註以三焦為之使者是也。且六十六難謂三焦為原氣之別使素問又謂心包絡之獨使其不同者何也。蓋三焦生于腎間動氣故為原氣之別使而為心包絡之府故為心包絡之獨使要之三焦本諸氣而氣通于心腎故皆為之使也。夫復何疑之有。然而謂之獨者何也。以別經不與三焦為表裏而唯心包經一經以三焦為使故謂之曰獨耳。愚按此篇論手少陽三焦未必有名而無形亦未必能主持諸氣越人誤以為上中下之三焦故云然。今愚依正文釋之。

大義見二十五難之下

三十九難曰經言府有五藏有六者何也。然六府者止有

五府也。然五藏亦有六藏者。謂腎有兩藏也。其左爲腎。右爲命門。命門者。謂精神之所舍也。男子以藏精。女子以繫胞。其氣與腎通。故言藏有六也。府有五者。何也。然五藏各一府。三焦亦是一府。然不屬於五藏。故言府有五焉。

此一篇言府之可以稱爲五。而藏之可以稱爲六也。夫六府者。胃膽膀胱大腸小腸三焦也。經言府有五焉。五藏者。肺心脾肝腎也。經言藏有六焉。其故何也。然六府者。名雖曰六。而自今言之。止有五府也。五藏者。名雖曰五。而自今言之。亦有六藏也。何以見五藏之有六也。謂腎有兩藏也。其在左者則爲腎。右者則爲命門。命門者。

謂精神之所藏也。男子以此而藏精，女子以此而繫胞。其氣與腎相通，故言藏有六也。何以見府之有五也？五藏各一府，三焦亦是一府，故名之曰六。殊不知彼之五府，必各屬於五藏：如胃為脾之府，膽為肝之府，小腸為心之府，大腸為肺之府，膀胱為腎之府是也。惟三焦則不屬於五藏者也，故言府有五焉。

正考證

按偏考內經止言五

藏者，未嘗有言六，止言六府。而未嘗有言五，今云然者，自指之辭耳。內經言手足各有三陰，則心包絡與心為兩經，未嘗以腎為兩經。今所謂腎有兩藏者，非也。且手少陽為心包絡之府，分明府有六焉，豈得謂之五哉？

四十難曰：經言肝主色，心主臭，脾主味，肺主聲，腎主液，鼻者肺之候，而反知香臭；耳者腎之候，而反聞聲，其意何也？

然肺者西方金也。金生於巳。巳者南方火。火者心。心主氣。故令鼻知香臭。腎者北方水也。水生於申。申者西方金。金者肺。肺主聲。故令耳聞聲。

此一篇言鼻之所以知香臭。而耳之所以聞聲也。經言肝屬木而應春。物皆有色。故肝主五色也。心主火而應夏。火主焦物。故心主五臭也。脾主土而應季夏。味自土出。故脾主五味也。肺屬金而應秋。金主有聲。故肺主五聲也。腎屬水而應冬。水性濡潤。故腎主液也。夫然則肺本主聲者也。今鼻者肺之外候。而反知香臭。何其以心之所主者。而移之於肺也。腎本主液者也。今耳者腎之

外候。而反能聞聲。何其以肺之所王者而移之於腎也。然肺之所以知香臭者。以其得心之氣耳。蓋肺屬西方金也。金雖受氣於寅。培胎於卯。而其長生也。則在於巳。巳爲南方之火。火屬吾人之心。心主萬物之臭。故鼻雖爲肺之竅。而實得心之氣。所以令其能知香臭也。耳之所以聞聲者。以其得肺之氣耳。蓋腎屬北方水也。水雖受氣於巳。培胎於午。而其長生也。則在於申。申爲西方之金。金屬吾人之肺。肺主萬物之聲。故耳雖爲腎之竅。而實得肺之氣。所以令其能聞聲音也。

陳孝謫靈

樞五藏別論。歧伯曰。五氣入鼻。藏於心肺。心肺有病。而

鼻爲之不利也。靈樞五閱五使篇岐伯曰鼻者肺之官也耳者腎之官也。

四十一難曰肝獨有兩葉以何應也。然肝者東方木也木者春也萬物始生其尚幼小意無所親去太陰常近離太陽不遠猶有兩心故令有兩葉亦應木葉也。

此一節言肝之所以有左右兩葉也。夫肝之在人左三葉右四葉凡七葉也。但自左右而分之則謂之兩葉亦可也是肝有兩葉獨與他藏不同者果何所應而然耶。然肝之爲藏屬東方乙木也。木之司令在四時爲春而萬物當春之時始有發生則肝既屬木亦有始生之義。

比之他藏其尚幼小。而意無所親。惟足太陰脾上者。旺

於春之三月。土所以培木也。有母道焉。素問陰陽類論黃帝曰三陰爲

母三陰者太陰也。足太陽膀胱水者。旺於冬。水所以生木也。有

父道焉。素問陰陽類論黃帝曰三陽爲父三陽者太陽也。脾居中州。而肝則去

太陰尚近。幼小而無所親。意欲得土以培之。猶有親近

其母之心。故右之所以有葉耳。膀胱爲腎之府。居左之

下。而肝則離太陽不遠。幼小而無所親。意欲得水以生

之。猶有親近其父之心。故左之所以有葉耳。猶有左右

兩心。故有左右兩葉。未有葉之敷布。而不由心生者也。

況木必有葉。肝旣象木。則其有是葉者。亦以應木葉也。

正考證

素問刺禁論岐伯曰肝生於左按岐伯分明

後世以為其藏在右其脉在左未知何據抑亦未考此
數又按素問至真要大論岐伯曰陽明司天民病左
脉脇痛王冰註云大腸居右肺氣通之今肺氣內淫肝
居下左故左脉脇痛按此篇論太陰太陽者不一滑
伯仁以隆冬為陰之極首夏為陽之盛謂之太陰太陽
主時候言四明陳氏言腎為肝之母屬陰中之太陰心
為肝之子屬陽中之太陽以肝之位切近乎腎亦不遠
乎心故指腎與心言之也李晞范以十二經絡流注肝
注手太陰故指此篇太陰為肺以足厥陰少陽木生手
太陽少陰故指此篇太陽為小腸其猶有所心者注手
太陰有畏金之心而生手太陽有生火之心也熊宗立
張世賢則皆主脾與膀胱言之細玩之殆與尚近不遠
猶有所心之義始無背也陳滑殊為牽強李氏以肺之
居上者謂與肝尚近尤為無理况既以畏金為心尚有
何葉以向之耶余
故從熊張之說耳

四十二難曰人腸胃長短受水穀多少各幾何

此一節舉腸胃而難其長短納受之數也。

然胃大一尺五寸。徑五寸。長二尺六寸。橫屈受水穀三斗五升。其中常留穀二斗。水一斗五升。

此一節論胃之長大容受之數。有如此也。言胃之大也。一尺五寸。徑五寸。自上脘以至於下脘。卽胃之下口也。長二尺六寸。橫屈受水穀三斗五升。蓋以其中常留穀二斗。水一斗五升。故共有三斗五升也。

正考證

胃爲五藏

六府素問五藏別論。歧伯曰。胃者水穀之海。六府之大源也。靈樞海論。歧伯曰。胃者水穀之海。其上在氣街。下至三里。又曰。水穀之海有餘。則腹滿。水穀之海不足。

也功滅可慶
小二亡亡

則飢不受穀食。素問逆調論。歧伯曰。胃者六府之海。

素問陰陽應象大論。歧伯曰。腸胃為海。素問玉機

真藏論。歧伯曰。胃者五藏之本也。素問太陰陽明論。

歧伯曰。陽明者。表也。五藏六府之海也。素問熱論。歧

伯曰。陽明者。十二經脈之長也。已上七篇皆歧伯之言

在人為甚重矣。
胃經
可觀人之肉。可驗其胃。靈樞本藏篇。歧伯曰。脾應

肉。肉脘堅大者。胃厚。肉脘麼者。胃薄。肉脘小而麼者。胃

不堅。肉脘不稱身者。胃下。胃下者。下管約不利。肉脘不

堅者。胃緩。肉脘無小裏累者。胃急。肉脘多小裏累者。胃

結。胃結者。上管約不利也。
附錄
胃經經絡圖素問脉

要精微論。岐伯曰。胃脉搏擊而長。其色赤。當病折髀。其
與而散者。當病食痺。又帝曰。診得胃脉。病形何如。岐伯
曰。胃脉實則脹。虛則泄。靈樞和氣藏府病形篇。岐伯
曰。面熱者。足陽明病。又云。兩跗之上。脉堅陷者。足陽明
病。又云。胃病者。腹脹脹。胃脘當心而痛。上肢兩脇。膈咽
不通。食飲不下。取之三里也。靈樞淫邪發夢篇。岐伯
曰。厥氣客於胃。則夢飲食。靈樞師傳篇。岐伯曰。胃中
熱。則消穀。令人縣心善飢。臍以上皮熱。腸中熱。則出黃
如糜。臍以下皮寒。胃中寒。則腹脹。腸中寒。則腸鳴飧泄。
胃中寒。腸中熱。則脹而且泄。胃中熱。腸中寒。則疾飢。小

腹痛脹。又曰。六府者。胃爲之海。廣骸大頸張胃。五穀乃容。素問陽明脉解篇。黃帝問曰。足陽明之脉病。惡人與火。聞木音。則惕然而驚。鍾鼓不爲動。聞木音而驚。何也。願聞其故。歧伯對曰。陽明者。胃脉也。胃者。土也。故聞木音而驚者。土惡木也。帝曰。善。其惡火何也。歧伯曰。陽明主肉。其脉血氣盛。邪客之則熱。熱甚則惡火。帝曰。其惡人何也。歧伯曰。陽明厥則喘而惋。惋則惡人。帝曰。或喘而死者。或喘而生者。何也。歧伯曰。厥逆連藏則死。連經則生。帝曰。善。病甚。則棄衣而走。登高而歌。或至不食數日。踰垣上屋。所上之處。皆非其素所能也。病反能者。

何也。歧伯曰：四肢者，諸陽之本也。陽盛則四肢實，實則能登高也。帝曰：其棄衣而走者，何也？歧伯曰：熱盛於身，故棄衣欲走也。帝曰：其妄言罵詈，不避親疎而歌者，何也？歧伯曰：陽盛則使人妄言罵詈，不避親疎而不欲食，不欲食故妄走也。素問痿論黃帝曰：治痿者，獨取陽明，何也？歧伯曰：陽明者，五藏六府之海，主潤宗筋，宗筋主束骨而利機關也。衝脈者，經脈之海也，主滲灌谿谷，與陽明合於宗筋，陰陽總宗筋之會，會於氣街，而陽明爲之長，皆屬於帶脈，而絡於督脈，故陽明虛則筋縱，帶脈不引，故足痿不用也。素問病能篇黃帝問曰：人病

胃脘癰者。診當何如。歧伯對曰。診此者。當候胃脉。其脉當沉細。沉細者。氣逆逆者。人迎甚盛。其盛則熱。人迎者。胃脉也。逆而盛。則熱聚於胃口而不行。故胃脘爲癰也。
素問痺論。歧伯曰。陰氣者。靜則神藏。躁則消亡。飲食自倍。腸胃乃傷。

小腸大二寸半。徑八分。分之少半。長三丈二尺。受穀二斗四升。水六升三合。合之太半。

靈樞腸胃篇
作三丈二尺

此一節論小腸長。大容受之數也。言小腸在人。其大也。止二寸半。徑止八分。又一分少半。蓋八分半也。長則有三丈二尺。受穀二斗四升。水六升三合。及合之太半。蓋

六升三合六七勺也。共有水穀三斗三合六七勺矣。

正考

素問靈蘭秘典論岐伯曰小腸者受盛之官化

物出焉

王水註云承奉胃司受盛精粕受已復化傳入大腸

正考

觀人之皮可以候脉

候小靈樞本藏篇岐伯曰心應脉皮厚者脉厚脉厚者

小腸厚皮薄者脉薄脉薄者小腸薄皮緩者脉緩脉緩

者小腸大而長皮薄而脉冲小者小腸小而短諸陽經

脉皆多紆屈者小腸結

正考

啓與人中可候小腸

靈樞師傳

篇岐伯曰唇厚人中長以候小腸

正考

小腸裏寐脉體病證

靈樞邪氣藏府病形篇岐伯曰小腸病者小腹痛腰脊
控睪而痛時窘之後當耳前熱若寒甚若獨肩上熱甚

及手小指次指之間熱。若脉陷者。此其候也。手大陽病也。取之巨虛下廉。靈樞淫邪發夢篇。歧伯曰。厥氣客於小腸。則夢聚邑衝衢。

迴腸大四寸。徑一寸半。長二丈一尺。受穀一斗。水七升半。此一節論大腸長大容受之數也。言迴腸者。即大腸也。大有四寸。徑止一寸半。長則有二丈一尺。受穀一斗。水七升半。共有一斗七升半也。

靈樞經

素問靈蘭秘典

論。歧伯曰。大腸者。傳道之官。變化出焉。

附考證

觀人之皮

可候靈樞本藏篇。歧伯曰。肺應皮。皮厚者。大腸厚。皮薄者。大腸薄。皮緩腹裏大者。大腸大而長。皮急者。大腸急。

而短皮滑者大腸直皮肉不相離者大腸結

附考證

鼻隧可候大腸靈樞師傳篇岐伯曰鼻隧以長以候大腸

附

考證

大腸夢寐病證

靈樞和氣藏府病形篇岐伯曰魚絡血者

手陽明病又云大腸病者腸中切痛而鳴濯濯冬日重感於寒即泄當臍而痛不能久立與胃同候取巨虛上廉靈樞淫邪發夢篇岐伯曰厥氣客於大腸則夢田野

廣腸大八寸徑二寸半長二尺八寸受穀九升三合八分合之一

此一節論廣腸長大容受之數也廣腸者直腸也肛門

之總稱也。大有八寸。徑止二寸半。長則有二尺八寸。受穀九升三合。八分合之一。蓋言九升三合八勺一抄也。故腸胃九長五丈八尺四寸。合受水穀八斗七升六合八分合之一。此腸胃長短受水穀之數也。

此一節。總卽腸胃長大容受之數而計之也。由腸胃而總計之。九長五丈八尺四寸。共受水穀八斗七升六合八勺一抄耳。此乃腸胃長短及納受水穀之數也。

考證

本難之辭出自靈樞平人絕穀篇。

伯高曰。胃大一尺五寸。徑五寸。

長二尺六寸。橫屈受水穀三斗五升。其中之穀常留二斗。水一斗五升而滿。上焦泄氣。出其精微。慄悍滑疾。下

焦下溉諸腸。小腸大二寸半。徑八分。分之少半。長三丈二尺。受穀二斗四升。水六升三合。合之大半。迴腸大四寸。徑一寸。寸之少半。長二丈一尺。受穀一斗。水七升半。廣腸大八寸。徑二寸。寸之大半。長二尺八寸。受穀九升三合。八分合之一。腸胃之長。凡五丈八尺四寸。受水穀九斗二升一合。合之大半。此腸胃所受水穀之數也。肝重二斤四兩。左三葉。右四葉。凡七葉。主藏魂。

此已下五節。言五藏長短輕重藏納之數。而此則先以肝言之也。肝之在人。其重也。計二斤四兩。左有三葉。右有四葉。凡七葉。蓋足厥陰配足少陽。少陽之數始於七。

故有七葉。附於脊之第九椎。隨神往來者謂之魂。而肝則有以藏之矣。

正考證

素問靈蘭秘典論岐伯曰肝

者將軍之官。謀慮出焉。

素問刺禁論岐伯曰肝生於

左。

按素問至真要大論陽明司天。王冰註。有肝居下左之句。

正考證

肝合於五左。五色。五味。五

畜。五行。五穀。五星。五音。五數。五臭。五行。五體。五志等義。

素問金匱真言論岐伯曰東

風生於春。病在肝。俞在頸項。又云春氣者病在頭。又云

故春善病飢飢。又云東方青色。入通於肝。開竅於目。藏

精於肝。其病發驚駭。其味酸。其類草木。其畜雞。其穀麥。

其應四時。上為歲星。是以春氣在頭也。其音角。其數八。

是以知病之在筋也。其臭臊。素問五運行大論岐伯

省音

春有

曰東方生風。風生木。木生酸。酸生肝。肝生筋。筋生心。其
 在天為玄。在人為道。在地為化。化生五味。道生智。玄生
 神。化生氣。神在天為風。在地為木。在體為筋。在氣為柔。
 在藏為肝。其性為暄。其德為和。其用為動。其色為蒼。其
 化為榮。其蟲毛。其政為散。其令宣發。其變摧拉。其音為
 隕。其味為酸。其志為怒。怒傷肝。悲勝怒。風傷肝。燥勝風。
 酸傷筋。辛勝酸。按素問陰陽應象大論較此篇稍有未詳靈樞順氣一日
 分為四時篇歧伯曰肝為牡藏其色青其時春其音角
 其味酸其日甲乙素問陰陽應象大論歧伯曰風氣
 通於肝素問四氣調神論春三月此謂發陳天地俱

生萬物以榮。夜卧早起。廣步於庭。被髮緩形。以使志生。生而勿殺。予而勿奪。賞而勿罰。此春氣之應。養生之道也。逆之則傷肝。夏為寒變。奉長者少。又云。逆春氣則少陽不生。肝氣內變。

附考

謎 肝有大小高下堅脆靈樞

本藏篇歧伯曰。肝小則藏安。無脇下之病。肝大則逼胃迫咽。迫咽則苦膈中。且脇下痛。肝高則上肢貫切。脇悞為息。黃肝下則逼胃。脇下空。脇下空則易受邪。肝堅則藏安難傷。肝脆則善病消痺。易傷。肝端正則和利難傷。肝偏傾則脇下痛也。又云。青色小理者肝小。粗理者肝大。廣背反骹者肝高。合脇兔骹者肝下。胷脇好者肝堅。

脇骨弱者肝脆。膈腹好。相待者。肝端正。脇骨偏舉者。肝偏傾也。靈樞師傳篇岐伯曰。肝者主爲將。使之外候。欲知堅固。視目小大。

雜考

肝有風。夢寐驚。肝體病。起死期。

素問方

盛衰論。黃帝曰。肝氣虛。則夢見菌香生草。得其時。則夢伏樹下。不敢起。靈樞淫邪發夢篇岐伯曰。肝氣盛。則

夢怒。

素問脉要精微論亦云然。

又云。厥氣客於肝。則夢山林樹木。

素問脉要精微論。岐伯曰。肝脉搏堅而長。色不青。當病墜若搏。因血在脅下。令人喘逆。其與而散。色澤者。當病溢飲。溢飲者。渴甚多飲。而身入肌皮腸胃之外也。又云。肝與腎脉並至。其色蒼赤。當病毀傷。不見血。已見血。濕

若中水也。素問五藏生成篇。歧伯曰。人卧血歸於肝。肝受血而能視。又曰。狗蒙招尤。目冥耳聾。下實上虛。過在足少陽厥陰。甚則入肝。又曰。青脉之至也。長而左右彈。有積氣在心下。肢胕名曰肝痺。素問生氣通天論。歧伯曰。風客淫氣。精乃亡。邪傷肝也。又云。味過於酸。肝氣以津。脾氣乃絀。素問大奇論。肝雍兩胕滿。卧則驚。不得小便。又云。肝脉小急。癰癥筋攣。肝脉驚暴。有所驚駭。脉不至。若瘖。不治自巳。又云。肝脉大急沉。爲疝。又云。肝脉小緩。爲腸辟。易治。素問藏氣法時論。歧伯曰。肝主春。足厥陰少陽主治。其日甲乙。肝苦急。急食甘以緩。

之。又云。病在肝。愈於夏。夏不愈。其於秋。秋不死。持於冬。起於春。禁當風。肝病者。愈在丙丁。丙丁不愈。加於庚辛。庚辛不死。持於壬癸。起於甲乙。肝病者。平旦慧。下晡甚。夜半靜。肝欲散。急食辛以散之。用辛補之。酸寫之。又云。肝病者。兩脇下痛。引少腹。令人善怒。虛則目眊眊無所見。耳無所聞。善恐。如人將捕之。取其經厥陰與少陽。氣逆則頭痛耳聾。不聰。煩嘔。又云。肝色青。宜食甘。粳米牛肉。棗葵皆甘。靈樞五味篇。伯高曰。肝病者。宜食麻犬肉。李韭。又云。肝病禁辛。素問痿論。歧伯曰。肝主身之筋膜。又曰。肝氣熱則膽泄口苦。筋膜乾。筋膜乾則筋急。

而攣發爲筋痿。又曰。思想無窮。所願不得。意淫於外。入
房大甚。宗筋弛縱。發爲筋痿。及爲白淫。故下經曰。筋痿
者。生於肝。使內也。靈樞和氣藏府病形篇。歧伯曰。肝
脉急甚者。爲惡言。微急爲肥氣在脇下。若覆杯。緩甚爲
善嘔。微緩爲水瘕痺也。大甚爲內癰。善嘔衄。微大爲肝
痺。陰縮。欬引小腹。小甚爲多飲。微小爲消痺。滑甚爲癰
疝。微滑爲遺溺。瀼甚爲溢飲。微瀼爲瘕。攣筋痺。靈樞
本神篇。歧伯曰。肝藏血。血舍魂。肝氣虛則恐。實則怒。
靈樞五邪篇。邪在肝。則兩脇中痛。寒中。惡血在內。行善
掣節。時脚腫。取之行間。以引脇下。補三里。以溫胃中。取

血脉以散惡血取耳間青脈以去其壅

楊氏曰肝者幹也其體狀猶枝

幹也故名

按觀三十三難則知肝之所以具是性

情觀四十一難則知肝之所以成是形體又與此節而

并考之其義

無餘蘊矣

心重十二兩中有七孔三毛盛精汁三合主藏神

此一節言心之所重所藏也心之在人其重也計十二

兩中有七孔三毛盛精汁三合兩精相搏謂之神而心

則有以藏之矣

正考證

心為君主

素問靈蘭秘典論歧伯

曰心者君主之官也神明出焉

正考證

心合於五方五色五味五

畜五穀五星五音五數五

臭五行五體五志等義素問金匱真言論歧伯曰南

風生於夏病在心俞在胃脇又云夏氣者病在藏又曰

仲夏善病胃腸。長夏善病洞泄寒中。又云。南方赤色入
通於心。開竅於耳。藏精於心。故病在五藏。其味苦。其類
火。其畜羊。其穀黍。其應四時。上爲熒惑星。是以知病之
在脉也。其音徵。其數七。其臭焦。素問五運行大論。岐
伯曰。南方生熱。熱生火。火生苦。苦生心。心生血。血生脾。
其在天爲熱。在地爲火。在體爲脉。在氣爲息。在藏爲心。
其性爲暑。其德爲顯。其用爲躁。其色爲赤。其化爲茂。其
蟲羽。其政爲明。其令鬱蒸。其變炎燥。其青燿焰。其味爲
苦。其志爲喜。喜傷心。恐勝喜。熱傷氣。寒勝熱。苦傷氣。鹹
勝苦。

按此篇較素問陰陽應

象大論更詳。故錄之。

附考

心爲靈樞順氣

夏有
養長
之道

難經卷之五

二二二 經義

一日分爲四時篇。歧伯曰：心爲牡藏，其色赤，其時夏，其日丙丁，其音徵，其味苦。素問陰陽應象大論。歧伯曰：雷氣通於心。素問四氣調神論。夏三月，此謂蕃秀，天地氣交，萬物華實，夜卧早起，無厭於日，使志無怒，使華英成秀，使氣得泄，若所愛在外，此夏氣之應，養長之道也。逆之則傷心，秋爲痃瘕，奉收者少，冬至重病。又云：逆夏氣則太陽不長，心氣內洞。**附考**：堅心有大小，高下，晚正偏，觀外知內。靈樞本藏篇。歧伯曰：心小則安，邪弗能傷，易傷以憂，心大則憂不能傷，易傷於邪，心高則滿於肺中，惋而善忘，難開以言，心下則藏外，易傷於寒，易恐以言，心堅。

二十三 寶鑑卷之五

搏堅而長。常病舌卷不能言。其栗而散者。當消環自己。
帝曰。診得心脉而急。此爲何病。病形何如。歧伯曰。病名
心疝。少腹當有形也。帝曰。何以言之。歧伯曰。心爲牡藏。
小腸爲之使。故曰。少腹當有形也。素問五藏生成篇。
歧伯曰。心煩頭痛。病在鬲中。過在手巨陽少陰。又曰。赤
脉之至也。喘而堅。診曰。有積氣在中。時害於食。名曰心
痺。得之外疾。思慮而心虛。故邪從之。素問大奇論云。
心脉滿大。癰癧筋攣。素問藏氣法時論。歧伯曰。心主
夏。手少陰太陽主治。其日丙丁。心苦緩。急食酸以收之。
又曰。病在心。愈於長夏。長夏不愈。甚於冬。冬不死。持於

春起於夏。禁溫食熱衣。心病者。愈在戊巳。戊巳不愈。中
 於壬癸。壬癸不死。持於甲乙。起於丙丁。心病者。日中慧。
 夜半甚。平旦靜。心欲啗。急食鹹以啗之。用鹹補之。甘寫
 之。又云。心病者。胃中痛。脇肢滿。脇下痛。膺背肩甲間痛。
 兩臂內痛。虛則胃腹大脇下。與腰相引而痛。取其經少
 陰太陽舌下血者。其變病刺郄中血者。又云。心色赤。宜
 食酸小豆犬肉李韭皆酸。靈樞五味篇言宜食亦云然。伯高曰。心病
 者。宜食麥羊肉杏薤。又云。心病禁鹹。

附考證

心有素

問痿論。歧伯曰。心主身之血脉。又云。心氣熱。則下脉厥
 而上。上則下脉虛。虛則生脉痿。樞折挈。脛縱而不任地。

也。又曰。悲哀大甚。則胞絡絕。胞絡絕。則陽氣內動。發則心下崩。數洩血也。

附考證

心之諸脉為諸病。

靈樞邪氣藏府

病形篇。歧伯曰。心脉急甚者。為瘕瘕。微急為心痛引背。食不下。緩甚為狂笑。微緩為伏梁。在心下。上下行時唾血。大甚為喉吟。微大為心痺。引背。善淚出。小甚為善噦。微小為消痺。滑甚為善渴。微滑為心疝。引臍。小腹鳴。漇甚為瘖微。漇為血溢。維厥耳鳴顛疾。靈樞本神篇。歧伯曰。心藏脉。脉舍神。心氣虛則悲。實則笑不休。靈樞五邪篇云。邪在心。則病心痛。喜悲。時眩仆。視有餘不足。而調之。其輸也。

劉子曰。上智人。心有七孔三毛。中智人。心有五竅二毛。下智人。心有三竅一毛。

常人心有二竅無毛。愚人心有一竅甚小。又一生為人。癡惑之輩。雖有心而無竅。故神出入無門。難成色果。脾重二斤三兩。扁廣三寸。長五寸。有散膏半斤。主裹血。溫五藏。主藏意。

此一節言脾之重大主藏也。脾之在人其重也。二斤三兩。扁廣約有三寸。長則計有五寸。外有散膏半斤。居脊之第十一椎。掩乎太倉。胃內主裹血。以溫五藏。且心之所之者。謂之意。而脾則有以藏之矣。

正考證素問靈

蘭秘典論岐伯曰。脾胃者。倉廩之官。五味出焉。內經

遺篇刺法論云。脾為諫議之官。知周出焉。

正考證脾

於五方。五色。五味。五志。五穀。五臟。五志等義。

素問金匱真言論

歧伯曰中央黃色入通於脾開竅於口藏精於脾故病在舌本其味甘其類土其畜牛其穀稷其應四時上為鎮星是以知病之在肉也其音宮其數五其臭香素

問五運行六論歧伯曰中央生濕濕生土土生甘甘生脾脾生肉肉生肺其在天為濕在地為土在體為肉在氣為充在藏為脾其性靜兼其德為濡其用為化其色為黃其化為盈其蟲倮其政為謚其令雲雨其變動注其靑淫潰其味為甘其志為思思傷脾怒勝思濕傷肉風勝濕甘傷脾酸勝甘

按素問陰陽應象大論較此篇未詳

靈樞順氣

一日分為四時篇歧伯曰脾為牡藏其色黃其時長夏

見新腰
張之下

其日戊巳其音宮其味甘。素問陰陽應象大論歧伯

曰。谷氣通於脾。

附考

脾有大小高下堅脆偏正觀外可以知內

靈樞本

藏篇。歧伯曰。脾小則藏安難傷於邪也。脾大則苦奏眇而痛。不能疾行。脾高則眇引季脇而痛。脾下則下加於大腸。下加於大腸則藏苦受邪。脾堅則藏安難傷。脾脆則善病消癰易傷。脾端正則和利難傷。脾偏傾則善滿善脹也。又曰。黃色小理者脾小。粗理者脾大。揭唇者脾高。唇下縱者脾下。唇堅者脾堅。唇大而不堅者脾脆。唇上下好者脾端正。唇偏舉者脾偏傾也。靈樞師傳篇。歧伯曰。脾者王為衛使之迎糧視唇舌好惡以知吉凶。

附考證

脾有虛衰候。脾體病者死期。

素問方盛衰論。歧伯曰。脾氣

虛則夢飲食不足得其時則夢築垣蓋屋。靈樞淫邪

發夢篇。歧伯曰。脾氣盛則夢歌樂身體重不舉。又云。厥

氣客於脾則夢見丘陵大澤壞屋風雨。靈樞五閱五

使篇。歧伯曰。口唇者脾之官也。脾病者唇黃。素問脉

要精微論。歧伯曰。脾脉搏堅而長其色黃當病少氣其

爽而散色不澤者當病足胗腫若水狀也。素問五藏

生成篇。腹滿臘脹肢胛脇下厥上肩過在足太陰陽

明。又云。黃脉之至也。大而虛有積氣在腹中有厥氣名

曰厥疝。素問藏氣法時論。歧伯曰。脾主長夏足太陰

脾病者
切中時

統論
切中時

陽明主治其日戊巳脾苦濕急食苦以燥之又曰病在脾愈在秋秋不愈甚於春春不死持於夏起於長夏禁溫食飽食濕地濡衣脾病者愈在庚辛庚辛不愈加於甲乙甲乙不死持於丙丁起於戊巳脾病者日昃慧日出甚夏晡靜脾欲緩急食甘以緩之用苦寫之甘補之又曰脾病者身重善肌肉痿足不收行善痠胫下痛虛則腹滿腸鳴飧泄食不化取其經太陰陽明少陰血者又曰脾色黃宜食鹹大豆豕肉栗藿皆鹹靈樞五味篇然伯高曰脾病者宜食粳米飯牛肉棗葵又云脾病禁酸素問痿論歧伯曰脾主身之肌肉又云脾氣熱則

胃乾而渴。肌肉不仁。發爲肉痿。又云。有漸於濕。以水爲事。若有所留。居處相濕。肌肉濡漬。痺而不仁。發爲肉痿。靈樞邪氣藏府病形篇。歧伯曰。脾脉急甚爲癰。微急爲膈中。食飲入而還出。後沃沫。緩甚爲痿癰。微緩爲風痿。四肢不用。心慧然若無病。大甚爲擊仆。微大爲疝。氣腹裏大膿血在腸胃之外。小甚爲寒熱。微小爲消痺。滑甚爲癰瘡。微滑爲蟲毒。蛭蝎腹熱。濡甚爲腸癰。微濡爲內癰。多下膿血。靈樞五邪篇云。邪在脾胃。則病肌肉痛。陽氣有餘。陰氣不足。則熱中。善飢。陽氣不足。陰氣有餘。則寒中。腸鳴腹痛。陰陽俱有餘。若俱不足。則有寒。

有熱皆調於三里。素問奇病論黃帝曰有病口甘者病名爲何歧伯答曰此五氣之溢也名曰脾癰夫五味入口藏於胃脾爲之行其積氣津液在脾故令人口甘此肥美之所發也此人必數食甘美而多肥也肥者令人內熱甘者令人中滿故其氣上溢轉爲消渴治之以蘭除陳氣也靈樞本神篇歧伯曰脾藏營營舍意脾氣虛則四肢不用五藏不安實則腹脹經洩不利

必脾方論

素問陰陽別論歧伯曰二陽之病發心脾有

不得隱曲女子不月其傳爲風消其傳爲息賁者死不

治愚按此節正因王註誤解不明所以後人不知相傳之次蓋言二陽者陽明也手陽明爲傳道之官足陽

明爲倉廩之官而致下不能傳道。上不能納受者何也。此病乃發之於心脾也。正由女子有不得隱曲之事。鬱之於心。故心不能生血。血不能養脾。而脾遂不能運化。是以胃漸不能受納。大腸漸不能傳道矣。由是則心脾陽胃皆已受病。而女子經血枯竭。以致月事不下者。宜也。又由是則血枯氣鬱而熱生。熱極而風生。而肌肉自爾消糜矣。故謂之風消也。又由是則火乘肺金而喘息上責。痰嗽靡寧矣。此息直者。非肺積之謂也。若是則心主血。脾主氣。脾爲五藏之原。腸胃爲六府之源。無不受病。而欲生也得乎。王冰謂腸胃爲病。心脾受之。何以爲心脾受腸胃之病也。又以心血不流爲女子不月。然則女子獨無脾乎。脾味不化爲男子少精。然則男子獨無心乎。又以不能爲隱曲之事。經之於不月少精之。後發無倫次之事。致使後人迄今不能明曉也。惜哉。

肺重三斤三兩。六葉兩耳。凡八葉。主藏魄。

此一節言肺之所重所藏也。肺之在人其重也。三斤三兩。六葉。二小葉似兩耳。凡八葉。附於脊之第三椎中。

有二十四空。行列分布諸藏之氣。為諸藏之華蓋。並精出入者。謂之魄。而肺則有以藏之矣。

正考證

素問靈

蘭秘典論。岐伯曰。肺者相傳之官。治節出焉。素問刺

禁論。岐伯曰。肺藏于右。

正考證

肺合於五方。五色。五

音五數。五臭。五行。五體。五志等義。

素問金匱真言論。岐伯曰。西風生於

秋。病在肺。俞在肩背。又云。秋氣者。病在肩背。又云。秋善

病風瘡。又云。西方白色。人通于肺。開竅于鼻。藏精于肺。

故病在背。其味辛。其類金。其畜馬。其應四時。上為太白

星。是以知病之在皮毛也。其音商。其數九。其臭腥。素

問五運行大論。岐伯曰。西方生燥。燥生金。金生辛。辛生

肺。肺生皮毛。皮毛生腎。其在天爲燥。在地爲金。在體爲
皮毛。在氣爲成。在藏爲肺。其性爲涼。其德爲清。其用爲
固。其色爲白。其化爲斂。其蟲介。其政爲勁。其令霧露。其
變肅殺。其青蒼落。其味爲辛。其志爲憂。憂傷肺。喜勝憂。
熱傷皮毛。寒勝熱。辛傷皮毛。苦勝辛。按素問陰陽應象
大論較此篇稍有
詳未靈樞順氣一日分爲四時篇。岐伯曰。肺爲牡藏。其
色白。其音角。其時秋。其日庚辛。其味辛。素問陰陽應
象大論。岐伯曰。天氣通於肺。素問四氣調神論云。秋
三月。此謂容平。天氣以急。地氣以明。早卧早起。與雞俱
興。使志安寧。以緩秋刑。收斂神氣。使秋氣平。無外其志。

使肺氣清。此秋氣之應。養收之道也。逆之則傷肺。久爲殄泄。奉藏者少。又云。逆秋氣則太陰不收。肺氣焦病。

附言

肺有大小高下堅脆偏正。觀外可以知內。

靈樞本藏篇。岐伯曰。肺

小則少飲。不病喘喝。肺太則多飲。善病胃痺。喉痺。逆氣。肺高則上氣肩息。欬肺下則居賁迫肺。善脇下痛。肺堅則不病欬。上氣肺脆則苦病消痺。易傷。肺端正則和利。難傷。肺偏傾則胃偏痛也。又曰。白色小理者肺小。粗理者肺大。巨肩反膺陷喉者肺高。合腋張脇者肺下。好肩背厚者肺堅。肩背薄者肺脆。背膺厚者肺端正。脇偏踈者肺偏傾也。靈樞師傳篇。岐伯曰。五藏六府者。肺爲

之蓋巨肩陷咽候見其外。

附考證

肺有盛衰。盛則夢寐。素

問方盛衰論黃帝曰肺氣虛則使人夢見白物。見人斬

血籍籍。

靈樞淫邪發夢篇岐伯曰肺氣盛則夢恐懼

哭泣飛揚。又云厥氣客于肺則夢飛揚見金鐵之奇物。

靈樞五閱五使篇岐伯曰鼻者肺之官也。又云肺病

者喘息鼻張。

素問脉要精微論岐伯曰肺氣盛則夢

哭。又云肺脉搏堅而長當病唾血其栗而散者當病灌

汗。至今不復散發也。

素問五藏生成篇云欬嗽上氣

厥在胃中。過在手陽明太陰。又云白脉之至也喘而浮。

上虛下實驚有積氣在胃中喘而虛名曰肺痺。寒熱得

之醉而使內也。素問藏氣法時論歧伯曰。肺主秋。手太陰陽明主治。其日庚辛。肺苦氣上逆。急食苦以泄之。又云。病在肺。愈在冬。冬不愈。其於夏。夏不死。持於長夏。起於秋。禁寒。飲食寒衣。肺病者。愈在壬癸。壬癸不愈。加於丙丁。丙丁不死。持於戊己。起於庚辛。肺病者。下晡慧。日中甚。夜半靜。肺欲收。急食酸以收之。用酸補之。辛寫之。又云。肺病者。喘欬逆氣。肩背痛。汗出。尻陰股膝髀腠臑足皆痛。虛則少氣。不能報息。耳聾。嗌乾。取其經太陰足太陽之外。厥陰內血者。又云。肺色白。宜食苦。麥羊肉杏薤皆苦。靈樞五味篇。伯高曰。肺病者。宜食黃黍雞

肉。桃、葱、五禁。又云：肺病禁苦。又云：肺色白，宜食苦。麥、羊
肉、杏、薤皆苦。素問痿論。歧伯曰：肺主身之皮毛。又云：
故肺熱葉焦，則皮毛虛弱，急薄著，則生痿痺也。又云：肺
者，藏之長也，為心之蓋也。有所失亡，所求不得，則發肺
鳴。鳴則肺熱，葉焦，故曰：五藏因肺熱葉焦，發為痿痺。此
之謂也。又云：肺熱者，色白而毛敗。靈樞邪氣藏府病
形篇。歧伯曰：肺脈急甚為癰疾，微急為肺寒熱怠惰，欬
唾血，引腰背，胃若鼻息，肉不通，緩甚為多汗，微緩為痿
痺，偏風，頸以下汗出不可止，大甚為脛腫，微大為肺癰。
引胃背，起惡日光，小甚為泄，微小為消痺，滑甚為息賁。

上氣微滑爲上下出血。滴甚爲嘔血。微瀉爲鼠瘻。在頸
支腋之間。下不勝其上。其應善瘥矣。靈樞五邪篇云。
邪在肺。則病皮膚痛寒熱。上氣喘。汗出。欬動肩背。取之
膺中外腧。背三節五藏_節之傍。以手疾按之。快然。乃刺
之。取之缺盆中。以越之。素問陰陽別論。岐伯曰。陰爭
於內。陽擾於外。魄汗未藏。四逆而起。起則熏肺。使人喘
鳴。靈樞本神篇。岐伯曰。肺藏氣。氣含臍。肺氣虛則鼻
塞不利。少氣實則喘喝。胃盈仰息。

腎有兩枚。重一斤二兩。主藏志。

此一節言腎之所重所藏也。腎之在人。一左一右。計有

兩枚附於脊十四椎各開一寸五分重一斤二兩意之
所存者謂之志而腎則有以藏之矣

正考證素問靈

蘭秘典論歧伯曰腎者作強之官伎巧出焉

正考證

五音五數五臭五行五體五志等義

素問金匱真言

論歧伯曰北風生於冬病在腎俞在腰股又云冬善病
痺厥故冬不按蹻春不軌衄春不病頸項仲夏不病胃
脇長夏不病洞泄寒中秋不病風痿冬不病痺厥飧泄
而汗出也夫精者身之本也故藏於精者春不病溫又
云北方黑色入通於腎開竅於二陰藏精於腎故病在
給其味鹹其類水其畜彘其穀豆其應四時上為辰星

是以知病之在骨也。其音羽。其數六。其臭腐。素問五

運行大論。歧伯曰。北方生寒。寒生水。水生鹹。鹹生腎。腎

生骨髓。髓生肝。其在天為寒。在地為水。在體為骨。在氣

為堅。在藏為腎。其性為凜。其德為寒。其用為肅。其色為

黑。其化為肅。其蟲鱗。其政為靜。其令闕。其變凝冽。其眚

冰雹。其味為鹹。其志為恐。恐傷腎。思勝恐。寒傷血。燥勝

寒。甘勝鹹。按素問陰陽應象大論較此篇未詳靈樞順氣一日分為四

時篇。歧伯曰。腎為牝藏。其色黑。其時冬。其日壬癸。其音

羽。其味鹹。是為五變。素問陰陽應象大論。歧伯曰。雨

氣通於腎。素問四氣調神論。冬三月。此謂閉藏。水冰

地坼無擾乎陽。早卧晚起。必待日光。使志若伏若匿。若
有私意。若已有得。去寒就溫。無泄皮膚。使氣堅奪。此冬
氣之應。養藏之道也。逆之則傷腎。春為痿厥。奉生者少。
又云。逆冬氣。則少陰不藏。腎氣獨沉。素問上古天真
論。岐伯曰。女子七歲。腎氣盛。齒更髮長。二七而天癸至。
任脉通。太衝脉盛。月事以時下。故有子。三七腎氣平均。
故真牙生而長極。四七筋骨堅。髮長極。身體盛壯。五七
陽明脉衰。面始焦。髮始墮。女子有餘於陰。不足於陽。故其衰也。自陽明始。六七
三陽脉衰於上。面皆焦。髮白。七七任脉虛。太衝脉衰少。
天癸竭。地道不通。故形壞而無子也。丈夫八歲。腎氣實。

髮長齒更二八腎氣盛天癸至精氣溢寫陰陽和故能

有子

男女之生也必自腎始故七歲八歲腎氣盛實十四十六歲天癸各至

三八腎氣平

均筋骨勁強故真牙生而長極四八筋骨隆盛肌肉滿

壯五八腎氣衰髮隨齒槁

男子有餘於陽不足於陰故其衰也自少陰始六八

陽氣衰竭於上面焦髮鬢頒白七八肝氣衰筋不能動

天癸竭精少腎藏衰形體皆極八八則齒髮去腎者主

水受五藏六府之精而藏之故五藏盛乃能寫今五藏

皆衰筋骨解惰天癸盡矣故髮鬢白身體重行步不正

而無子耳帝曰有其年已老而有子者何也歧伯曰此

其天壽過度氣脉常通而腎氣有餘也此雖有子男不

過盡八八。女不過盡七七。而天地之精氣皆竭矣。愚按

之意言此等之人。雖或有子。然以天地間男女之大畧。言之。男子不過盡八八之數。女子不過盡七七之數。而

天地所稟之精氣皆竭矣。能如此等之有子者。豈不亦少乎。非言所生之男女。其壽止于八八七七之數也。王註

甚。素問生氣通天論岐伯曰。味過於甘。色黑。腎氣不

衡。**附考證**腎有大小。高下。堅脆。靈樞本藏篇岐伯

曰。腎小。則藏安難傷。腎大。則善病腰痛。不可以俛仰。易

傷以邪。腎高。則苦背脊痛。不可以俯仰。腎下。則腰尻痛。

不可以俛仰。為狐疝。腎堅。則不病腰背痛。腎脆。則苦病

消瘻。易傷。腎端正。則和利難傷。腎偏傾。則苦腰尻痛也。

又曰。黑色。小理者。腎小。粗理者。腎大。高耳者。腎高。而耳後

陷者腎下。耳堅者腎堅。耳薄不堅者腎脆。耳好前居牙車者。腎端正。耳偏高者。腎偏傾也。靈樞師傳篇。歧伯

曰。腎者。主爲外。使之遠聽。視耳好惡。以知其性。

附考

證

腎有盛衰。夢寐。

肝。體。病。證。死。期。素問方盛衰論。黃帝曰。腎氣虛。則使

人夢見舟舡溺人。得其時。則夢伏水中。若有畏恐。靈

樞淫邪發夢篇。歧伯曰。腎氣盛。則夢腰脊兩解不屬。又

云。厥氣客于腎。則夢臨淵沒居水中。客于陰器。則夢接

內。客於股肱。則夢禮節拜起。素問脉要精微論。歧伯

曰。腰者腎之府。轉搖不能。腎將憊矣。又云。腎脉搏堅而

長。其色黃而赤者。當病折腰。其要而散者。當病少血。至

今不復也。素問五藏生成篇云。頭痛顛疾。下虛上實。過在足少陰巨陽。甚則入腎。又云。黑脉之至也。上堅而大。有積氣在小腹與陰。名曰腎痺。得之沐浴清水而卧。素問大奇論云。腎雍兩胠滿。卧則驚。不得小便。腎雍脚下至少腹滿。脛有大小。髀胕大跛。易偏枯。又云。腎脉小急爲癰。腎肝并沉爲石水。又云。腎脉大急沉爲疝。又云。腎脉小搏沉爲腸澼下血。血溫身熱者死。素問藏象法時論。歧伯曰。腎主冬。足少陰太陽主治。其日壬癸。腎苦燥。急食辛以潤之。又云。病在腎。愈在春。春不愈。其於長夏。長夏不死。持於秋。起於冬。禁犯焮燠。熱食溫灸。

衣。腎病者。愈在甲乙。甲乙不愈。甚於戊巳。戊巳不死。持
於庚辛。起於壬癸。腎病者。夜半慧。四季甚。下晡靜。腎欲
堅。急食苦以堅之。用苦補之。鹹寫之。又云。腎病者。腹大
脰腫。喘欬。身重。寢汗出。憎風。虛則胃中痛。大腹小腹痛。
清厥。意不樂。取其經少陰太陽血者。又云。腎色黑。宜食
辛。黃黍。雞肉。桃。葱。皆辛。靈樞五味篇。伯高曰。腎病者。
宜食大豆。黃卷。豬肉。栗。藿。又云。腎病禁甘。素問痿論。
歧伯曰。腎主身之骨髓。又云。腎氣熱。則腰脊不舉。骨枯
而髓減。發爲骨痿。又云。有所遠行勞倦。逢大熱而渴。渴
則陽氣內伐。伐則熱舍於腎。腎者。水藏也。今水不勝火。

掛當
作勝
睡竹
垂切

則骨枯而髓虛。故足不任身。發爲骨痿。故下經曰。骨痿者。生於大熱也。又云。腎熱者。色黑而齒槁。靈樞邪氣藏府病形篇。歧伯曰。腎脉急甚爲骨癰。疾微急爲沉厥。奔豚。足不收。不得前後。緩甚爲折脊。微緩爲洞。洞者。食不化。下嗝還出。大甚爲陰痿。微大爲石水。起。擠已下。至小腹。睡睡然。上至胃脘。死不治。小甚爲洞泄。微小爲消痺。滑甚爲瘰癧。微滑爲骨痿。坐不能起。起則目無所見。瀆甚爲大癰。微瀆爲不月。沉痔。靈樞五邪篇云。邪在腎。則痛。骨痛。陰痺。陰痺者。按之而不得。腹脹腰痛。大便難。肩背頸項痛。時眩。取之湧泉。崑崙。視有血者。盡取之。

作史
足廢

靈樞五閱五使篇歧伯曰耳者腎之官也腎病者顙
與頰黑。靈樞本神篇歧伯曰腎藏精精舍志腎氣虛
則厥實則脹五藏不安。素問刺禁論歧伯曰七節之
傍中有小心。楊上善註云脊有三七二十一節腎在下
七節之旁腎神曰志五藏之靈皆名爲神
神之所以得名爲
志者心之神也。素問脉解篇云內奪而厥則爲瘖
俳此腎虛也。素問生氣通天論歧伯曰因而強力腎
氣乃傷高骨乃壞。素問奇病論帝曰有病癰然如有
水狀切其脉大緊身無痛者形不瘦不能食食少。水
熱穴論黃帝問曰少陰何以主腎腎何以主水歧伯對
曰腎者至陰也至陰者盛水也肺者太陰也少陰者冬

脉也。故其本在腎。其末在肺。皆積水也。帝曰。腎何以能聚水而生病。歧伯曰。腎者胃之關也。關門不利。故聚水而從其類也。上下溢於皮膚。故爲跗腫。跗腫者。聚水而生病也。帝曰。諸水皆生於腎乎。歧伯曰。腎者牝藏也。地氣上者。屬於腎而生水液也。故曰。三陰勇而勞甚。則腎汗出。腎汗出。逢於風。內不得入於藏府。外不得越於皮膚。客于玄府。行於皮裏。傳於跗腫。本之於腎。名曰風水。所謂玄府者。汗空也。素問評熱病論。帝曰。有病而風者。面跗癰然壅。害於言。可刺不。歧伯曰。虛不當刺。不當刺而刺。後五日。其氣必至。帝曰。其至何如。歧伯曰。至必

少氣時熱。時熱從背脊上至頭汗出。手熱口乾苦渴。小便黃。目下腫。腹中鳴。身重難以行。月事不來。煩而不能食。不能正偃。正偃則效。病名曰風水。原病式曰仙經云先生左腎則為男。先生右腎則為女。

膽在肝之短葉間。重三兩三銖。盛精汁三合。

此一節言膽之所在。所重。所盛也。膽之在人。附于肝之短葉間。其重計三兩三銖。內盛精汁。約有三合焉。**正**

考證

素問靈蘭秘典論岐伯曰膽者中正之官。決斷出

焉。

正考證

十一藏取決于膽

素問六節藏象論岐伯曰心者

生之本。神之變也。其華在面。其充在血脈。為陽中之大

陽通於夏氣肺者氣之本魄之處也其華在毛其充在皮爲陽中之太陰通於秋氣腎者主蟄封藏之本精之處也其華在髮其充在骨爲陰中之少陰通於冬氣肝者罷極之本魂之居也其華在爪其充在筋以生血氣其味酸其色蒼此爲陽中之少陽通於春氣脾胃大腸小腸三焦膀胱者倉廩之本營之居也名曰器能化糟粕轉味而入出者也其華在唇四白其充在肌其味甘其色黃此至陰之類通於土氣凡十一藏取決於膽也

正氣論

膽有厚薄急緩直結。觀外可以知內。

靈樞本藏篇岐伯曰肝

應爪爪厚色黃者膽厚爪薄色紅者膽薄爪堅色青者

膽急。爪濡色赤者膽緩。爪直色白無約者膽直。爪惡色黑多紋者膽結也。靈樞師傳篇。歧伯曰。目下果大其膽乃橫。素問奇病論。帝曰。有病口苦。取陽陵泉。口苦者。病名爲何。何以得之。歧伯曰。病名曰膽瘴。夫肝者中之將也。取決于膽。咽爲之使。此人者。數謀慮不決。故膽虛。氣上溢。而口爲之苦。治之以膽募俞。靈樞邪氣藏府病形篇。歧伯曰。膽病者。善大息。口苦。嘔宿汁。心下澹澹。恐人將捕之。嗑中呿呿然。數唾。在足少陽之本末。亦視其脉之陷下者。灸之。其寒熱者。取陽陵泉。靈樞淫邪發夢篇。歧伯曰。厥氣客於膽。則夢聞訟自刺。

胃重二斤一兩。紆曲屈伸。長二尺六寸。大一尺五寸。徑五寸。盛穀二斗。水一斗五升。小腸重二斤十四兩。長三丈二尺。廣二寸半。徑八分。分之少半。左迴疊。積十六曲。盛穀二斗四升。水六升三合。合之大半。大腸重二斤十二兩。長二丈一尺。廣四寸。徑一寸。當臍右。迴十六曲。盛穀一斗。水七升半。

此一節復舉首節胃與大腸小腸之所未備者而言之也。夫胃之長也。大也。與夫所容之水穀。吾旣已言之矣。而其重則二斤一兩。紆曲屈伸。是亦不可不知也。小腸之長也。徑之大也。與所容之水穀。吾旣已言之矣。而其

重則二斤十四兩。左廻疊十六曲。是亦不可不知也。大腸卽廻腸也。其長其廣其所受之水穀。吾旣已言之矣。而其重則二斤十二兩。徑止一寸。不必有一寸半焉。當臍右廻疊一十六曲。是亦不可不知也。

膀胱重九兩二銖。縱廣九寸。盛溺九升九合。口廣二寸半。此一節論膀胱重大容受之數也。言膀胱者。吾之未言者也。其重有九兩二銖。其直廣計九寸。盛溺九升九合。有下口而無上口。則下口止二寸半耳。

靈樞經素問

靈蘭秘典論。岐伯曰。膀胱者。州都之官。津液藏焉。氣化則能出矣。

附錄

觀鼻可以驗膀胱三焦。

靈樞師傳篇。岐伯曰。

鼻孔在外。膀胱溺泄。鼻柱中央起。三焦乃約。

岐伯論

三焦膀胱各有厚薄緩急。直結靈樞本藏篇。岐伯曰。腎

應骨。密理厚皮者。三焦膀胱厚。粗理皮薄者。三焦膀胱

薄。蹠膝理者。三焦膀胱緩。皮急而無毫毛者。三焦膀胱

急。毫毛美而粗者。三焦膀胱直。稀毫毛者。三焦膀胱結

也。靈樞本輸篇。岐伯曰。少陽屬腎。腎上連肺。故將兩

藏。三焦者。中瀆之府也。水道出焉。屬膀胱。是孤之府也。

素問脉要精微論。岐伯曰。水泉不止者。膀胱不藏也。

素問氣厥論。岐伯曰。胞移熱於膀胱。則癰溺血。膀胱

移熱于小腸。鬲腸不便。上爲口糜。素問宣明五氣論。

歧伯曰。膀胱不利爲癃。不約爲遺。靈樞九針論。歧伯

曰。膀胱不約爲遺溺。素問標本病傳論。歧伯曰。膀胱

病。小便閉。靈樞邪氣藏府病形篇。歧伯曰。膀胱病者。

小腹偏腫而痛。以手按之。卽欲小便而不得。肩熱。若

脉陷及足小指外廉及脛踝後皆熱。若脉陷。取委中央。

靈樞淫邪發夢篇。歧伯曰。厥氣客于膀胱。則夢遊行。

又云。客于胞殖。則夢泄便。靈樞五味篇。少俞答曰。酸

入於胃。其氣澁。以收上之兩焦。弗能出入也。不出。卽留

于胃中。胃中和溫。則下注膀胱。膀胱之胞薄。以懦。得酸

則縮。澁約而不通。水道不行。故癃。陰者。積筋之所終也。

故酸入而走筋矣。

按王安道小便原委論或問余曰靈樞經云水穀者常并居胃中成糟粕

而俱下于大腸而成下焦。滲而俱下。濟泌別汁。滲入膀胱而滲入膀胱焉。王冰曰水液自回腸泌別汁滲入膀胱之中。胞氣化之而為溺以泄出也。楊介云水穀自小腸盛受於闌門以分別也。其水則滲灌入于膀胱上口而為漉便。詳已上三說則小便即泌別之水液滲入膀胱以止者也。素問則曰飲入于胃遊溢精氣上輸于脾脾氣散精上歸於肺通調水道下輸膀胱則小便又似水飲精微之氣上升脾肺運化而後成者也。彼此不同將何所憑乎。余曰憑夫理耳。且漉溺者果何物耶。水而已矣。水之下流其性則然也。故飲入于胃其精氣雖上升其飲之本脾固不能上升也。既不能上升則豈可謂小便獨為氣化所成者哉。惟其不能上升者必有待於能上升者為之先導。故素問又曰膀胱者津液藏焉。氣化則能出矣。且水者氣之子。氣者水之母。氣行則水行。氣滯則水滯。或者又謂小便純由泌別不由運化。蓋不明此理故也。雖然膀胱固曰津液之府。至于受盛津液則又有胞而居膀胱之中焉。故素問曰胞移熱于膀胱靈樞經曰膀胱之胞薄以懦。類纂曰膀胱者胞之室。且夫

胞之居于膀胱也。有上口而無下口。津液既盛于胞。無由自出。必因乎氣化而後能漸浸潤于胞外。積于胞下之空處。遂為溺以出于前陰也。素問所謂膀胱津液藏焉者。蓋舉膀胱以該胞也。若曰胞下無空處。則人溺急時。至則安能即出乎。夫惟積滿胞下空處而不可再容。故急急則至。至則即出矣。或言胞有下口而無上口。或言胞上下皆有口。或言胞有小竅而為注泄之路。不亦妄歟。

附考証

脾胃大腸小腸三焦膀胱

義素問六節藏象論岐伯曰脾胃大腸小腸膀胱者倉

庫之本營之居也。名曰噐。能化糟粕轉味而出入者也。

唇至齒長九分。齒已後至會厭深三寸半。大容五合。舌重

十兩。長七寸。廣二寸半。咽門重十二兩。廣二寸半。至胃長

一尺六寸。喉嚨重十二兩。廣二寸。長一尺二寸。九節。肛門

重十二兩。大八寸。徑二寸太半。長二尺八寸。受穀九升三

合八分合之一

靈樞腸胃篇作咽門廣一寸半首節言廣而據其數當

言廣腸為的

此一節論唇齒會厭舌與咽喉肛門之數也言唇齒與

舌咽門喉嚨肛門者乃七衝門

見十難與九竅中見四十

之所有也言自唇至齒其長幾何九分而已自齒已後

至會厭其深幾何三寸半而已且其口中之大可容五

合也舌之重也計有十兩長則七寸廣則二寸半焉咽

門之重也計有十二兩廣則二寸半至胃之上口長一

尺六寸焉喉嚨之重也計十二兩廣則二寸半長則一

尺二寸凡九節焉肛門即廣腸也其重計十二兩其大

其長與徑之爲數。水穀之所受。非吾之所已言者乎。蓋至此。而凡五藏六府。及形體之具於吾內者。尚復有餘蘊哉。

正考

本難之難。出自
靈樞腸胃篇。

伯高曰。唇至齒長九分。

口廣二寸半。齒以後至會厭深三寸半。大容五合。舌重十兩。長七寸。廣二寸半。咽門重十兩。廣一寸半。至胃長一尺六寸。胃紆曲屈伸之。長二尺六寸。大一尺五寸。徑五寸。大容三斗五升。小腸後附脊。左環廻周疊積。其注于廻腸者。外附于臍上。廻運環十六曲。大二寸半。徑八分。分之少半。長三丈三尺。廻腸當臍左環廻周葉積而下。廻運環反十六曲。大四寸。徑一寸。寸之少半。長二丈

一尺廣腸傳者以受通腸左環葉脊上下辟大八寸徑二寸寸之大半長二尺八寸腸胃所入至所出長六丈四寸四分迴曲環反三十二曲也。

附考證

五藏爲奇恒之府六

府爲傳化之府

素問五藏別論歧伯曰腦髓骨脉膽女子胞

此六者地氣之所生也皆藏於陰而象於地故藏而不寫名曰奇恒之府夫胃大腸小腸三焦膀胱此五者天氣之所生也其氣象天故寫而不藏此受五藏濁氣名曰傳化之府此不能久留輸寫者也魄門亦爲五藏使水穀不得久藏所謂五藏者藏精氣而不寫也故滿而不能實六府者傳他物而不藏故實而不能滿也所以

五藏者
大者下堅
腸正偏之
異故其大
亦不同

然者。水穀入口。則胃實而腸虛。食下。則腸實而胃虛。故
曰。實而不滿。滿而不實也。靈樞本藏篇歧伯曰。五藏
皆小者。少病。苦焦心。大愁憂。五藏皆大者。緩于事。難使
以憂。五藏皆高者。好高舉措。五藏皆下者。好出人下。五
藏皆堅者。無病。五藏皆脆者。不離于病。五藏皆端正者。
和利得人心。五藏皆偏傾者。邪心而善盜。不可以爲人
平。反覆言語也。
附考證
喉龍等體各有所司病證靈樞憂悲無言
篇。黃帝問于少師曰。人之卒然憂悲而無音者。何道
之塞。何氣出行。使音不彰。願聞其方。少師荅曰。咽喉者。
水穀之道也。喉嚨者。氣之所以上下者也。會厭者。音聲

之戶也。口唇者音聲之扇也。舌者音聲之機也。懸雍垂者音聲之閑也。頰頰者分氣之所泄也。橫骨者神氣所使。主發舌者也。故人之鼻洞涕出不收者頰頰不開分氣失也。是故厭小而疾薄則發氣疾其開闔利其出氣易其厭大而厚則開闔難其氣出遲故重言也。人卒然無音者寒氣客于厭則厭不能發發不能下至其開闔不致故無音。黃帝曰刺之柰何。歧伯曰足之少陰上繫於舌絡於橫骨終於會厭兩寫其血脈濁氣乃辟會厭之脉上絡任脉取之天突其厭乃發也。素問陰陽別論歧伯曰一陰一陽結謂之喉痺。素問血氣形志論

云形苦志苦。病生于咽嗑。治之以百藥。靈樞九鍼論。咽作咽。咽作咽。咽作咽。咽作咽。

作其附。素問經脈別論。黃帝問曰。人。五藏皆六。喘有汗。

之居處動靜。勇怯。脈亦爲之變乎。歧伯對曰。凡人之驚恐。恚。勞動。靜。皆爲變也。是以夜行則喘出於腎。淫氣病肺。有所墮恐。喘出於肝。淫氣害脾。有所驚恐。喘出於肺。淫氣傷心。度水跌仆。喘出於腎與骨。當是之時。勇者氣行則已。怯者則著而爲病也。故曰。診病之道。觀人勇怯。骨肉皮膚。能知其情。以爲診法也。故飲食飽甚。汗出於胃。驚而奪精。汗出於心。持重遠行。汗出於腎。疾走恐懼。汗出於肝。搖體勞苦。汗出於脾。故春秋冬夏四時。陰陽。

生病起於過用。此爲常也。

附錄

五藏六府皆令人欬。黃帝問

曰。肺之令人欬何也。歧伯對曰。五藏六府皆令人欬。非獨肺也。帝曰。願聞其狀。歧伯曰。皮毛者。肺之合也。皮毛先受邪氣。邪氣以從其合也。其寒飲食入胃。從肺脉上。至於肺。則肺寒。肺寒則外內合邪。因而客之。則爲肺欬。五藏各以其時受病。非其時。各傳以與之。人與天地相參。故五藏各以治時。感於寒則受病。微則爲欬。甚者爲泄。爲瀉。乘秋則肺先受邪。乘春則肝先受之。乘夏則心先受之。乘至陰則脾先受之。乘冬則腎先受之。帝曰。何以異之。歧伯曰。肺欬之狀。欬而喘息有音。甚則唾血。心

欬之狀。欬則心痛。喉中介介如梗狀。甚則咽腫喉痹。肝
欬之狀。欬則兩脇下痛。甚則不可以轉。轉則兩脇下滿。
脾欬之狀。欬則右肱下痛。陰陰引肩背。甚則不可以動。
動則欬劇。腎欬之狀。欬則腰背相引而痛。甚則欬涎。帝
曰。六府之欬奈何。安所受病。歧伯曰。五藏之父。欬乃移
于六府。脾欬不已。則胃受之。胃欬之狀。欬而嘔。嘔甚則
長虫出。肝欬不已。則膽受之。膽欬之狀。欬嘔膽汁。肺欬
不已。則大腸受之。大腸欬狀。欬而遺失。心欬不已。則小
腸受之。小腸欬狀。欬而失氣。氣與欬俱失。腎欬不已。則
膀胱受之。膀胱欬狀。欬而遺溺。父欬不已。則三焦受之。

三焦欬狀。欬而腹滿。不欲食飲。此皆聚於胃。閉於肺。使人多涕唾。而面浮腫。氣逆也。帝曰。治之柰何。歧伯曰。治藏者。治其俞。治府者。治其合。浮腫者。治其經。

附方論

五藏六府皆令人痺。素問痺論。黃帝問曰。痺之安生。歧伯對曰。風寒濕三氣雜至。合而為痺也。其風氣勝者。為行痺。寒氣勝者。為痛痺。濕氣勝者。為著痺也。帝曰。其有五者。何也。歧伯曰。以冬遇此者。為骨痺。以春遇此者。為筋痺。以夏遇此者。為脉痺。以至陰遇此者。為肌痺。以秋遇此者。為皮痺。帝曰。內含五藏六府。何氣使然。歧伯曰。五藏皆有合。病久而不去者。內含於其合也。故骨痺不已。復感於

邪。內舍於腎。筋痺不已。復感於邪。內舍於肝。皮痺不已。復感於邪。內舍於肺。所謂痺者。各以其時重感於風寒濕之氣也。凡痺之客五藏者。肺痺者。煩滿喘而嘔。心痺者。脉不通。煩則心下鼓暴。上氣而喘。噤乾。善噫。厥氣上則恐。肝痺者。夜卧則驚。多飲。數小便。上爲引如懷。腎痺者。善脹。尻以代腫。脊以代頭。脾痺者。四肢解墮。發欬。嘔汁。上爲大塞。腸痺者。數飲而出不得。中氣喘爭。時發殭泄。胞痺者。少腹膀胱按之內痛。若沃以湯。澀於小便。上爲清涕。陰氣者。靜則神藏。躁則消亡。飲食自倍。腸胃乃傷。淫氣喘息。脾聚在肺。淫氣憂思。痺聚在心。淫氣遺溺。

痺聚在腎。淫氣之竭。痺聚在肝。淫氣肌絕。痺聚在脾。諸痺不已。亦益內也。其風氣勝者。其人易已也。帝曰。善。痺或痛或不痛。或不仁。或寒或熱。或燥或濕。其故何也。歧伯曰。痛者。寒氣多也。有寒故痛也。其不痛不仁者。病久入深。榮衛之行瀋。經絡時疎。故不通。皮膚不營。故爲不仁。其寒者。陽氣少。陰氣多。與病相益。故寒也。其熱者。陽氣多。陰氣少。病氣勝。陽遭陰。故爲痺熱。其多汗而濡者。此其逢濕甚也。陽氣少。陰氣盛。兩氣相感。故汗出而濡也。帝曰。夫痺之爲病。不痛何也。歧伯曰。痺在於骨則重。在於脉則血凝而不流。在於筋則屈不伸。在於肉則不

仁在皮則寒故具此五者則不痛也。凡痺之類逢寒則

蟲當作急逢熱則縱。**附論**五藏六府皆能成脹靈樞經論岐伯

曰心脹者煩心短氣卧不安肺脹者虛滿而喘欬肝脹者脇下滿而痛引小腹脾脹者善噦四肢煩惋體重不能勝衣卧不安腎脹者腹滿引背央央然腰髀痛六府脹者胃脹者腹滿胃脘痛鼻聞焦臭妨于食大便難大腸脹者腸鳴而痛濯也冬日重感于寒則飧泄不化小腸脹者少腹臌脹引腰而痛膀胱脹者少腹滿而氣癢三焦脹者氣滿于皮膚中輕輕然而不堅膽脹者脇下痛脹口中苦善太息又曰脹論言無問虛實工在疾寫近者

一下。遠者三下。今有其三而下。下者其過焉在。歧伯對曰。此言陷于肉育而中氣穴者也。不中氣穴。則氣內閉。鍼不陷育。則氣不行。上越中肉。則衛氣相亂。陰陽相逐。其於脹也。當寫不寫。氣故不下。三而不下。必更其道。氣下乃止。不下復始。可以萬全。烏有殆者乎。其於脹也。必審其脉。當寫則寫。當補則補。如鼓應桴。惡有不下者乎。

附考證

五藏六府皆令人瘡

素問刺瘡論足太陽之瘡令人腰

痛頭重寒從背起先寒後熱焇焇暍暍然熱止汗出難已刺却中出血足少陽之瘡令入身體解休寒不甚熱不甚惡見人見人心惕惕然熱多汗出甚刺足少陽足

陽明之瘧。令人先寒洒淅。洒淅寒甚。久乃熱。熱去。汗出。喜見日月光火氣。乃快然。刺足陽明跗上。足太陰之瘧。令人不樂好大息。不嗜食。多寒熱。汗出。病至則善嘔。嘔已。乃衰。即取之。足少陰之瘧。令人嘔吐甚。多寒熱。熱多寒少。欲閉戶牖而處。其病難已。足厥陰之瘧。令人腰痛。少腹滿。小便不利。如癰狀。非癰也。數便。意恐懼。氣不足。腹中悵悵。刺足厥陰。肺瘧者。令人心寒。寒甚熱。熱間善驚。如有所見者。刺手太陰陽明。心瘧者。令人煩心。甚欲得清水。反寒多。不甚熱。刺手少陰。肝瘧者。令人色蒼蒼然。太息。其狀若死者。刺足厥陰見血。脾瘧者。令人寒。腹中

痛熱則腸中鳴鳴已汗出刺足太陰腎瘡者令人洒洒然腰脊痛宛轉大便難目眴眴然手足寒刺足太陽少陰胃瘡者令人且病也善飢而不能食食而肢滿腹大刺足陽明太陰橫脉出血瘧發身方熱刺跗上動脉開其空出其血立寒瘧方欲寒刺手陽明太陰足陽明太陰瘧脉滿大急刺背俞用五腧俞背俞各一適行於血也瘧脉緩大虛便用藥不宜用鍼九治瘧先發如食頃乃可以治過之則失時也諸瘧而脉不見刺十指間出血血去必已先

視身之赤如小豆者。盡取之。十二瘡者。其發各不同時。察其病形。以知其何脉之病也。先其發時。如食頃而刺之。一刺則衰。二刺則知。三刺則已。不已。刺舌下兩脉出血。不已。刺却中。盛經出血。又刺項已下俠脊者。必已。舌下兩脉者。廉泉也。刺瘡者。必先問其病之所先發者。先刺之。先頭痛及重者。先刺頭上。及兩額兩眉間出血。先項背痛者。先刺之。先腰脊痛者。先刺卻中出血。先手臂痛者。先刺手少陰陽明十指間。先足脛痠痛者。先刺足陽明十指間出血。風瘧瘡發。則汗出惡風。刺三陽經背俞之血者。肝痠痛甚。按之不可。名曰肝髓病。以鑱鍼鍼。

絕骨出血立已。身體小痛。刺至陰。諸陰之井。無出血。間日一刺。瘡不渴。間日而作。刺足太陽。渴而間日作。刺足少陽。溫瘧汗不出。爲五十九刺。

附錄

五藏六府諸
脈令人腰痛

素問刺腰痛篇。足太陽脉。令人腰痛。引項脊。尻背如重狀。刺其郄中太陽正經出血。春無見血。少陽令人腰痛。如以鍼刺其皮中。循循然。不可以俛仰。不可以顧。刺少陽成骨之端出血。成骨在膝外廉之骨。獨起者。夏無見血。陽明令人腰痛。不可以顧。顧如有見者。善悲。刺陽明於脢前三痛。上下和之出血。秋無見血。足少陰令人腰痛。痛引脊內。廉刺。少陰於內踝上二痛。春無見

血出血太多不可復也。厥陰之脉令人腰痛。腰中如張弓弩弦。刺厥陰之脉。在臑踵魚腹之外。循之累累然。乃刺之。其病令人善言。嘿嘿然不慧。刺之三痛。解脉令人腰痛。痛而引肩。目眈眈然。時遺洩。刺解脉。在膝筋肉分間。卻外廉之橫脉。出血。血變而止。解脉令人腰痛。如引帶。常如折腰狀。善恐。刺解脉。在卻中結絡如黍米。刺之。血射以黑。見赤血而已。同陰之脉令人腰痛。痛如小錘居其中。怫然腫。刺同陰之脉。在外踝上絕骨之端。爲三痛。陽維之脉令人腰痛。痛上怫然腫。刺陽維之脉。脉與太陽合。臑下間去地一尺所。衡絡之脉。令

人腰痛不可以久仰。仰則筋得之舉重傷腰。衡絡絕惡血歸之。刺之在却陽筋之間。上却數寸。衡居爲二疔出血。會陰之脉令人腰痛。痛上漯漯然汗出。汗乾令人欲飲。飲已欲走。刺直陽之脉上三疔。在蹻上却下五寸。橫居視其盛者出血。飛陽之脉令人腰痛。痛上怫怫然甚則悲以恐。刺飛陽之脉在內踝上五寸。少陰之前。與陰維之會。昌陽之脉令人腰痛。痛引膺。目眈眈然甚則反折。舌卷不能言。刺內筋爲二疔。在內踝上太筋前。太陰後。上踝二寸所。散脉令人腰痛。而熱熱甚生煩。腰下如有橫木居其中。甚則遺洩。刺散脉在膝前骨

肉分間絡外廉束脉爲三痛。肉里之脉令人腰痛。不可以欬。欬則筋縮急。刺肉里之脉爲二痛。在太陽之外。少陽絕骨之後。腰痛俠脊而痛至頭几几然。目眈眈欲僵仆。刺足太陽郄中出血。腰痛上寒。刺足太陽陽明。上熱刺足厥陰。不可以俛仰。刺足少陽。中熱而喘。刺足少陰。刺郄中出血。腰痛上寒。不可顧。刺足陽明。上熱刺足太陰。中熱而喘。刺足少陰。大便難刺足少陰。少腹滿刺足厥陰。如折。不可以俛仰。不可舉。刺足太陽。引脊內廉。刺足少陰。腰痛。引少腹。控眇。不可以仰。刺腰尻交者。兩髀腠上。以月生死爲清數。

發鍼立已左取右右取左

附論

五藏六府寒熱相移

素問氣

厥論黃帝問曰五藏六府寒熱相移者何歧伯曰腎移
寒於肝癰腫少氣脾移寒於肝癰腫筋攣肝移寒
於心狂隔中心移寒於肺肺消者飲一溲二死不治
胃移寒於腎為涌水涌水者按腹不堅水氣客於大
腸疾行則鳴濯濯如囊裹漿水之病也脾移熱於肝
則為驚衄肝移熱於心則死心移熱於肺傳為鬲
消肺移熱於腎傳為柔痊瘧腎移熱於脾傳為虛
腸澼死不可治胞移熱於膀胱則癰溺血膀胱移
熱於小腸鬲腸不便上為口糜小腸移熱于大腸為

虛癢爲沉。大腸移熱於胃。善食而瘦。又謂之食亦。

胃移熱於膽。亦曰食亦。膽移熱於腦。則辛頰鼻淵。鼻

淵者。濁涕下不止也。傳爲衄。蟻瞋目。故得之氣厥也。

附論

五藏病證各有所刺

素問藏氣法時論。岐伯曰。肝病者。兩

脇下痛。引少腹。令人善怒。虛則目眈眈無所見。耳無所

聞。善恐。如人將捕之。取其經厥陰與少陽氣逆則頭痛

耳聾不聰。頰腫。取血者。心病者。胃中痛。脇支滿。脇下

痛。膺背肩甲間痛。兩臂肉痛。虛則胃腹大。脇下與腰相

引而痛。取其經少陰太陽。善下血者。其變病。刺却中血

者。脾病者。身重善肌。刺痿足不收。行善痠。脚下痛。虛

則腹痛。腸鳴。飧泄。食不化。取其經太陰陽明少陰血者。
肺病者。喘欬逆氣。肩背痛。汗出。尻陰股膝。髀腠。胫足
皆痛。虛則少氣。不能報息耳聾。嗌乾。取其經太陰足太
陽之外。厥陰內血者。腎病者。腹大脰腫。喘欬身重。寢
汗出憎風。虛則胃中痛。大腹小腹痛。清厥。意不樂。取其
經少陰太陽血者。
附考證五藏熱病皆有所刺及熱病之所始者。必慎所刺。
素問刺熱論云。肝熱病者。小便先黃。腹痛。多卧。身熱。熱
爭則狂言。及驚。脇滿痛。手足躁。不得安卧。庚辛甚。甲乙
大汗。氣逆。則庚辛死。刺足厥陰少陽。其逆則頭痛。真真
脉引衝頭也。心熱病者。先不樂數日。乃熱。熱爭。則卒

心痛煩悶。善嘔。頭痛。面赤無汗。壬癸甚。丙丁大汗。氣逆。則壬癸死。刺手少陰太陽。脾熱病者。先頭重。煩痛。煩心。顏青。欲嘔。身熱。熱爭則腰痛。不可用俛仰。腹痛泄。兩額痛。甲乙甚。戊巳大汗。氣逆。則甲乙死。刺足大陰陽明。肺熱病者。先淅然厥。起毫毛。惡風寒。舌上黃。身熱。熱爭則喘欬。痛走腎膺背。不得太息。頭痛不堪。汗出而寒。丙丁甚。庚辛大汗。氣逆。則丙丁死。刺手太陰陽明出血。如大豆。立已。腎熱病者。先腰痛。脘痠。苦渴。數飲。身熱。熱爭。則項痛而強。脘寒且痠。足下熱。不欲言。其逆則項痛。貢貢。澹澹然。戊巳甚。壬癸大汗。氣逆。則戊巳死。刺足

少陰大陽。諸汗者。至其所勝日汗出也。肝熱病者。左頰先赤。心熱病者。顏先赤。脾熱病者。鼻先赤。肺熱病者。右頰先赤。腎熱病者。頤先赤。病雖未發。見赤色者。刺之。名曰治未病。

四十三難曰。人不食飲七日而死者。何也。然人胃中常有留穀二斗。水一斗五升。故平人日再至圔。一行二升半。日中五升。七日五七三斗五升。而水穀盡矣。故平人不食飲七日而死者。水穀津液俱盡。即死矣。情切

此一篇言平人七日不食而必死也。言無病之人雖不食飲七日。而遂至於死者。其故何也。然人胃中常有留

穀二斗。水一斗五升。共有三斗五升也。故平人者。卽無病之人也。每於一日已周。則至於圜廁者。必再焉。凡一行。則二升半。一日已周之中。再行。則有五升。及至七日。則五七計有三斗五升。而所留之水穀。行之已至於盡矣。夫人賴水穀以爲養也。今焉平人不食不飲。七日而死者。正以水穀旣盡。則津液皆耗。何以資生而立命耶。其卽死也宜矣。

正考證

本難之辭。出自靈樞平人絕穀篇。

黃帝曰。愿

聞人之不食七日而死。何也。伯高曰。胃滿則腸虛。腸滿則胃虛。更虛更滿。故氣得上下五藏安定。血脈和利。精神乃居。故神者。水穀之精氣也。故腸胃之中。當留穀二

斗水一斗五升。故平人日再後後二升半。一日中五升。七日五七三斗五升。而留水穀盡矣。故平人不食飲七日而死者。水穀精氣津液皆盡故也。

正考證素問平

人氣象論。歧伯曰。人以水穀爲本。故人絕水穀則死。脉無胃氣亦死。

附考證

靈樞五味篇。伯高曰。穀始入于

胃。其精微者。先出于胃之兩焦。以溉五藏。別出兩行營衛之道。其大氣之搏而不行者。積于胃中。命曰氣海。出於肺。循喉咽。故呼則出。吸則入。天地之精氣。其大數常出三入一。故穀不入半日則氣衰。一日則氣少矣。

四十四難曰。七衝門何在。然唇爲飛門。齒爲戶門。會厭爲

吸門。胃爲貴門。太倉下口爲幽門。大腸小腸會爲闌門。下極爲魄門。故曰七衝門也。楊後泉云貴奔同

此一篇言七衝門之所在也。衝者通也。要也。爲衝要之地。而自上達下。無所間也。故謂之衝門耳。夫人衝要通達之門。凡有七也。而果何在乎。然唇齒會厭。胃與太倉之下口。大腸小腸之會。及肛門是也。是故唇之在人也。爲飛門焉。開張翕合。如羽物之能飛也。齒之在人也。爲戶門焉。凡物之大者。不得徑入。必得齒以碎之。然後得入。其上下開闢。如室之有戶也。會厭之在人也。爲吸門焉。會厭者。咽嗑也。會之爲言合也。厭之爲言掩也。吸之

爲言入也。謂當嚥物之時。嚥物吸入。合掩喉嚨。不使食物悞入。以阻其氣之嚥吸出入。故謂之吸門也。胃之在人。也。爲賁門焉。言胃之上口。卽上脘也。飲食下咽。賁響聚胃。故謂之賁門也。賁卽奔之謂也。楊玄操云。賁者。胃出穀氣。以傳于肺。肺在膈上。故胃爲賁門。太倉下口之在人。也。爲幽門焉。太倉者。一名中脘。四寸。膈上。下口者。下脘也。二寸。膈上。今日太倉之下口。則下脘是也。居於幽隱之處。故謂之幽門也。大腸小腸之會。爲闌門焉。闌之爲言遮也。當小腸之下口。在上一寸名至是而泌別清濁。水液入膀胱。渣滓入大腸。水分穴。有遮闌之義。故謂之闌門也。下極者。肛門也。肺藏魄。肺

氣上通喉嚨下通肛門故謂之魄門也

按素問生氣通天論陰陽別論

通評虛實論黃帝岐伯皆有魄汗之句而此以魄門為說意者皆主于肺熱

此則自唇以至

肛門而自上而下凡飲食之既納而出者衝要通達而

非他處之可擬也我故曰七衝門也命之所司孰有急

於是哉

魄門

按內經並無七衝門之說惟按素問

不得久藏又靈樞經氣篇有寤于齒門至許無論註引

揚玄操之言以為齒門即是衝門又足貴門其餘自既

門之外並無可考今越人言七衝門者蓋以飲食入于

唇碎於齒受於會厭下于胃之上口腐熟于太倉而出

于太倉之下口輸於小腸大腸出于肛門衝要通達以

資化源以立命根其所係為非小者故謂之為衝門耳

否則一身之形亦甚夥矣而何越人獨以此七者為說

哉李希范脾胃包系圖黃帝云脾之藏其府胃也脾

與胃以膜相連而脾震胃之上又云胃之大絡名曰虛

里貫膈絡肺出于左乳之下其動應衣宗氣也故胃為

市水穀所歸五味所入。如市之雜也。大素云胃者大倉也。胃之五竅即咽胃。大腸小腸膀胱問里門戶也。脾之有大絡其系自膈下正中微着左脇於胃之上與胃包絡相附矣。其胃之包在脾之上與胃相並結絡周回漫脂遍布。上下有二系。上者貫膈入肺中與肺系相並而在肺系之後其上即咽門也。咽門下胃脘也胃脘下即胃上口也。名曰賁門。水穀自此而入胃以胃出穀氣傳之於肺。肺在膈上因謂之賁門。其門在膈膜相粘之門亦漫脂相包也。若胃中水穀腐熟則自幽門而傳入于小腸。故言大倉之下為幽門。其位幽隱名曰幽門。又闌門水穀分別圖。大腸小腸會處為闌門。言闌約水穀從其泌別也。其水穀自小腸承受于闌門以分別也。其水則滲灌入於膀胱上口而為溲便。若穀之津液則自闌門而傳道于大腸。故曰下焦者在膀胱上口。主分別清濁也。

四十五難曰經言八會者何也。然府會太倉藏會季脇筋會陽陵泉髓會絕骨血會膈俞骨會大杼脉會太淵氣會

三焦外一筋直兩乳內也。熱病在內者，取其會之氣穴也。

此一篇言人之有八會也。會，聚也。經言人有八會，何者

是也。然府者，六府也。府之爲會，在于太倉。蓋以胃者水

穀之海，爲六府之大源。而太倉則中脘是也。在臍上四寸其

位中正，腐熟水穀，以資諸府，宜乎六府之會在于此也。

藏者，五藏也。藏之爲會，在於章門。蓋章門爲足厥陰肝

經之穴。在臍上二寸，兩旁各開九寸，又名季脇。帶脉由此而發焉。惟章門

乃脾之募，脾運穀味，播敷五藏，本爲五藏之主，而其募

既在章門，誠藏氣之所以會于此也。筋者，一身之筋也。

而其會則在于陽陵泉，係足少陽膽經穴也。在膝下一寸外，臍陷

中肝主筋而少陽為肝之府則筋亦其所必攝也故衆

筋聚于此耳素問脉要精微論岐伯曰膝者筋之府屈伸不能行則倭僂筋將僂矣靈樞終始篇

手屈而不伸者其病在筋又曰在筋守髓者骨中脂也筋素問五藏生成篇諸筋者皆屬於節髓者骨中脂也

有骨必有髓而其會則在于絕骨亦係足少陽膽經穴

也一名懸鍾在足外踝上三寸一身之大支于骨而此為骨之絕處

髓則隨骨而滋有下潤之勢所以會于此也按素問脉

岐伯曰骨者髓之府不能久立行則振掉骨將僂矣素問難精微論黃帝謂雷公曰髓者骨之充也按袁氏

曰人能健步以髓會絕骨四明陳氏曰髓會絕骨髓屬於腎腎主骨於足少陽經無所歸腦為髓海髓為沈骨

穴當云髓會枕骨絕骨誤也又按素問五藏生成篇諸髓者皆屬於腦以愚論之似以髓會枕骨為是其絕骨

恐非髓之血之在吾身也猶水之在地中無處無之而所能會也

其會則在於膈俞。係足太陽膀胱經穴也。在脊之第七

椎下。

開一寸五分

其第五椎下為心俞。心所以生血也。第九

椎下為肝俞。肝所以藏血也。惟膈俞在七椎下。正界乎

二者之間。則血必經歷於此。而血之為會。非膈俞而何。

骨者。一身之骨也。大杼。足太陽膀胱經穴。

在項後第一椎下兩旁相

去脊中各一寸五分。諸骨自此繫架。往下支生。故骨會于大杼也。

素氏曰。肩能負重。以骨會于大杼也。靈樞終始篇。手伸而不屈者。其病在骨。又曰。在骨守骨。脉者。十

二經及兩躋督任之脉也。而一晝一夜。五十度周於身

者。必會于手太陰之太淵穴焉。

即掌後橫紋陷中。一名氣口。又名寸口。又云脉

是也。一難言之詳矣。氣者。吾身之大氣。又名宗氣。營氣。衛氣。

是也。一難言之詳矣。氣者。吾身之大氣。又名宗氣。營氣。衛氣。

也。三焦者，上中下三焦也。宗氣積于上焦，膻中營氣出於

中焦，中焦衛氣出於下焦。陰故曰：氣會三焦，而正習之外。

一筋直兩乳間，乃所謂膻中也。蓋營衛皆統於宗氣，故

既言氣會于三焦，而又言膻中之穴，正以宗氣之爲大

也。謝氏曰：三焦者，當夫所謂八會者如此。然凡熱病在

內者，或府或藏，或筋或髓，或氣或血，或筋或骨，皆當取

其所會之氣穴而治之，于以施夫鍼灸之法，而去其所

受之病斯可也。上文言八穴，而此又言氣穴者，蓋所會

雖有八者之殊，而尤以氣爲統宗，無非此氣之流行，故

皆可稱爲氣穴，非止於膻中之謂也。

正考證
素問靈樞金無

八會之說然謂之曰經言則又非越人自謂也此與七
衝門等類皆不可考抑亦越人之時有此經言而今則
失之者歟。

難經正義卷之五

終